

上元縣志卷八 民賦下

積貯

常平倉因西洋天主堂改建在漢西門內

縣東倉在縣署大堂東

縣西倉在縣署大堂西

添儲倉在縣署外西

以上四倉共額貯穀三萬石

蠲賑

漢高祖減輕田租十五而稅一

文帝二年賜天下民今年田租之半

上元縣志 卷八 積貯 蠲賑

十二年亦如之

十三年除田租稅是後農無租稅者十年

景帝元年復收民田半租三十而稅一

武帝元鼎二年詔以江南水潦振救飢民

後漢世祖建武六年令郡國收見田租三十稅一如

舊制

桓帝建和元年荆揚二州饑遣四府掾分行賑給

吳大帝赤烏十三年八月丹陽諸邑山崩水溢詔原

逋責給貸種食

晉惠帝元康五年六月兗豫徐揚大水詔遣御史巡

行賑貸

元帝大興元年十二月江東饑遣使賑給之
成帝咸和四年時蘇峻亂後詔復遭賊郡縣租稅
三年

咸康元年二月揚州諸郡饑遣使賑給

二年七月揚州饑開倉賑給

孝武帝寧康元年三月詔除丹陽竹格等四桁稅
太元十八年荆揚二州大水傷秋稼遣使賑卹之
安帝義熙九年四月罷臨沂湖熟脂澤田四十頃
以賜貧人弛湖池之禁

上元縣志

卷八

蠲賑

二

宋文帝元嘉四年五月建康疾疫遣使存問給醫藥
無家者賜以棺器

五年正月丹陽火遣使巡慰賑賜六月大水遣使
檢行賑贍

十九年閏五月丹陽雨水遣使巡行賑卹

二十四年春蠲建康秣陵二縣今年田租之半六
月丹陽大水疫癘遣使行郡縣給以醫藥

二十五年正月詔檢行建康秣陵二縣貧弊之室
及營署賜以米薪

三十年五月蠲建康今年租稅

孝武帝大明元年正月建康雨水遣使檢行賜以
樵米四月丹陽疾疫遣使按行賜給醫藥死而無
收者官爲斂埋

三年七月賜王畿下貧之家蠲租一年

四年四月遣使存問建康秣陵二縣並給醫藥

五年七月丹陽雨水遣使巡行窮弊之家賜以薪
粟

六年十月南巡畿內減所經田租

八年冬建康饑命爲薄粥賑之

明帝太始三年正月建康大雨雪遣使巡行賑賜

上元縣志

卷八

蠲賑

三

秦豫元年六月建康雨水詔賑卹貧民

廢帝元徽三年三月建康大水遣使檢行賑賜

四年七月原建康秣陵二縣元年以前逋調

齊高帝建元四年二月除元年以前逋責六月水澇
爲患詔卹建康秣陵貧民

武帝永明元年詔賑卹鰥寡下貧之家

二年八月詔建康秣陵窳枯掩骼疾病窮困並加
沾贖

五年六月水遣官隨宜賑賜七月詔永明三年以
前所逋田租非中貲者悉原停

七年正月普賜建康秣陵貧民

八年八月建康霖雨遣中書舍人及長吏賑卹

十年十一月霖雨遣使賑賜建康秣陵居民

十一年六月建康霖雨遣使賑之

廢帝永元元年七月大水詔賜死者材器並賑卹

梁武帝普通二年正月置孤獨園於建康收養窮民

大同十年四月帝還建康放所經縣邑今年租調

陳宣帝大建十二年八月大雨霖詔原丹陽建興等

郡並謝署田稅

唐德宗貞元八年七月江淮大水遣官宣撫

上元縣志

卷八

蠲賑

四

穆宗長慶三年江南旱遣使宣撫

四年三月詔江南常貢外毋得進奉

宋太祖開寶八年平江南詔出米十萬石賑城中饑

民

太宗雍熙二年三月江南民饑許渡江自占四月

遣使賑之

三年九月蠲昇州二年官所賑貸

淳化元年二月除江南漁禁

四年二月江南饑遣使巡撫

至道三年昇州旱除今年秋稅

真宗咸平三年江南旱賑之

景德元年江南東西路饑命使賑之

大中祥符二年四月昇州火遣御史訪民疾苦蠲被火屋稅

四年六月遣使安撫江淮南水災許便宜從事

五年五月江淮旱給占城稻種教民種之

七年八月除江淮被災民租

天禧元年六月除昇州後湖租錢五十餘萬聽民溉田

仁宗天聖四年六月江淮南大水蠲租撫流民

上元縣志

卷八

蠲賑

五

明道二年詔發運使以上供米賑江東淮南饑民遣使督視饑死者官爲之葬

皇祐三年八月江淮南饑遣使安撫

四年三月蠲江南路民所貸種數十萬斛

神宗熙寧六年十月賑江淮饑

八年正月輟江南東路上供米均給災傷州軍八月詔發運司體實淮南江東米價州縣所存上供米減直予民

徽宗大觀三年江淮大旱守臣曾孝序上言欲將常平司見在諸色錢諸司封樁錢趁時收糴稻種

候將來春種出糶與力田之人詔速行之減江寧府歲貢生白瓜子羅二百匹

高宗紹興七年三月蠲逋賦及下戶今年身丁錢七月建康疫遣醫行視貧民給錢葬其死者十月蠲月椿錢

八年二月減建康夏稅折輸錢蠲民戶逋租和市科調八月蠲江東月椿錢

十五年七月免建康見負官錢十月復免所增上供米

十七年九月蠲江東月椿錢

二十六年八月蠲建康積欠內帑錢帛

三十二年十月除上元縣金陵鍾山慈仁三鄉灘江田租

孝宗隆興元年八月大水蠲租

二年七月建康大水詔賑之

乾道二年二月賑饑

三年十二月江東蝗賑之

四年十二月減江東明年夏稅和市之半

六年五月建康水詔免被水人戶今年身丁錢

七年三月江東旱賑之

八年七月詔免建康府絹二千五百匹

淳熙二年建康大旱饑知府事劉珙賑濟之

八年建康饑知府事范成大請賑從之

十一年七月建康雨水詔賑卹之始立養濟院

光宗紹熙四年八月賑江東旱傷貧民

五年建康大水賑之仍蠲其賦

寧宗慶元元年正月詔江東荒歉收養遺棄小兒

六年建康旱賑之

嘉泰元年江東旱賑之仍蠲其賦

嘉定元年八月發米賑糶江淮流民

上元縣志

卷八

蠲賑

七

二年建康蝗旱大饑詔收養遺棄小兒

三年知府事黃度發帑廩以賑饑民所活百餘萬

口蠲夏稅二十餘萬

四年增置養濟院二所

八年七月建康旱發米賑之運使真德秀又合本

道義倉及轉般米數十萬斛賑贍仍開東門外新

河因役力以食饑民

九年九月詔覆江東州縣被水最甚者蠲其租

十六年九月詔賑卹被水貧民

理宗寶祐二年三月蠲江淮今年稅

五年除欺隱稅額

開慶元年二月蠲沙田租

四年蠲苗稅

度宗咸淳二年五月大雨水遣濟饑民

四年建康疫放免夏稅市利錢

九年十二月免沿江夏秋旱澇屯田租

十年正月詔減江東沙圩租米十之四十二月命

建康賑避兵淮民

元世祖至元十九年江南水令所在官司發廩以賑
饑民

上元縣志

卷八

蠲賑

八

二十年五月蠲江南今年田賦十之二其十八年
以前逋負盡免之

二十二年詔江淮民鬻子者官爲贖之免醋課弛
魚禁

二十七年十一月江南大水發粟以賑流民

二十八年正月免江淮貧民逋租

三十一年六月免江淮今年夏稅之半

成宗元貞二年六月建康蝗發粟賑之

大德二年正月建康水賑之仍弛澤梁之禁

三年正月免江南夏稅十之三

四年十二月賑建康饑民

六年七月建康民饑以米二萬石賑之

九年二月蠲江淮租稅十之二

十一年六月江浙饑賑糧三月

武宗至大元年建康民饑疫給米賑之七月詔免本路夏稅十月又免酒課十之三

二年正月詔蠲江淮被災之家今年夏稅及今年以前逋賦

仁宗延祐元年八月建康大水發廩減價賑糶

二年正月勅以江南行臺贓罰鈔賑濟饑民十一

上元縣志

卷八

蠲賑

九

月免江淮夏稅十之三

英宗至治二年十一月詔免江淮今年包銀及官田租十之二

三年七月免江淮增科糧

泰定帝泰定二年閏月除江淮勑科包銀

三年建康路饑賑之

四年建康饑賑糧鈔有差

文宗至順元年五月免江淮夏稅十之三

四年六月江淮饑減今年夏稅

順帝元統元年江浙旱饑發義倉糧募富人入粟

賑之

二年復賑江浙饑

明太祖吳元年正月免應天租稅一年

洪武二年正月詔免應天稅糧

三年三月免應天今年租稅

五年十月詔免應天今年秋糧

九年二月詔免應天今年二稅

十一年八月詔免應天秋糧

十二年五月詔免田稅

十四年十月詔應天府今年秋糧減官田之半民

上元縣志

卷八

蠲賑

十

田蠲免

十五年四月詔免應天今年夏秋稅糧

十六年五月詔免應天今年稅糧

二十年六月免應天今年馬草

二十七年正月令以預備倉糧貸貧民

二十八年九月免應天今年秋糧

二十九年八月免應天今年秋糧

成祖永樂三年賑江東饑民

英宗正統十四年六月震雹風雨交作火詔賑卹

天順四年秋江南北大水免徵被災州縣糧草有

差

憲宗成化元年七月勅應天巡撫賑給饑民

二年四月饑命副都御史往賑卹之

八年七月大風雨江溢卹之

九年七月以水旱災免去年秋糧

十八年南畿饑命糴常平倉濟之

孝宗弘治五年十一月免應天等七府夏稅秋糧

八年五月以水災免應天等府弘治七年糧草子

粒有差又免本年夏麥十之三

十六年命南工部侍郎賑濟江淮

上元縣志

卷八 蠲賑

十一

武宗正德三年遣官賑濟留都

世宗嘉靖元年以水災減田塲租稅

二年應天等郡大旱賑之仍蠲馬價

三年賑南畿諸郡饑

六年減馬價

穆宗隆慶三年八月以江南北災傷命蠲蘆課逋
負十一月又詔免今年蘆課之半

五年十月以水災命蠲南京錦衣等衛所屯糧有
差

神宗萬曆三年五月減里甲均徭驛傳銀二萬九

千五百餘兩坊夫銀二千一百兩及革里甲朋役
拾丁排門小夫諸名色著為定例
熹宗天啓四年賑卹江南水旱災民

國朝

列聖蠲卹隆恩恭紀卷首

物產 非專產者不錄

穀之品與他邑同

蔬之品瓢兒菜

深冬經雪甘美絕倫蔬中此為特產
取其種植於他邑中則味變而質粗

矣

白芹

味清爽冬盡春初尤
為香嫩亦稱特產

大頭菜

芥之屬也其根

大如蘿蔔以炒鹽茴香製之
香脆異常四方用相餽遺

雪裏紅

亦芥屬也
莖圓葉微

上元縣志

卷八

物產

三

小於芥冬月取為旨
蓄味辛香爽人心脾

箭捍白菜

菘之屬也取其
中心嫩芽以為

美味甚甘美其外大莖葉以鹽醃
之可以禦冬正月食之尤香脆

蘿蔔

有紅白
二種出

邑境者肥碩
嫩脆味爽

果之品姚棗

出姚坊門故名
長大而甘脆

木瓜

出攝
山

元武湖

藕 甘嫩無
渣滓

元武湖菱

入口如米
雪自化

櫻桃

出靈谷
寺者佳

魚之品鱒魚

出江
中

帛之品苧絲

文絹

羅

紗

貢緞

絲皆產於外
而織工稱善

用物之品折紙扇

出城中者
四方稱最

按金陵志藥有生人
侵舊傳鍾山所出阮孝

種小梨名鹿梨葉如
疾求而得之

鹿

梨

本草云江寧府出
茶根如小掛指皮

治瘡疥甚效八月採

卷

栢 朮 芍藥 乾地黄 柴胡 麥門冬 茵

陳 王不留行 前胡 敗醬 石葦 菝葜

地榆 京三稜 甘遂 牙子 天南星 鬼白

仙茅 連翹 紫葛 桑上寄 蜈蚣 葶麻

本草以上 酒 李白詩堂上三十珠履客 甕中百

並出江寧 江乘地記云 樵採者常於山上得

春當時 空青 空青此山一朝出雲 零雨必降 民

酒名也 胡桃 梁沈約有為柳世隆 菘 大菘近

人以爲 常占 謝賜藥遊胡桃啓 頗陵 錫嘉

出極大而美 中鹽 蓋即所謂箭捍白葉也 頗陵 劉禹

賞大菘記此 蓋即所謂箭捍白葉也 頗陵 劉禹

詩錄菝葜本 是頗陵話 訛爾種自頗陵國

來土人呼菝葜 以上附載以廣異聞